



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五七九

勉益齋偶存稿八卷 勉益齋續存稿十六卷 裕謙撰

憶山書屋遺稿二卷（詩稿一卷 文稿一卷） 葉自莊撰

一

七二七

光緒丙子新鐫

正續
外吏規型

勉益齋藏板

勉益齋偶存稿

余年十七八時侍先大夫武昌學使署士習民風耳濡目染稍能知其梗概越廿有八載復銜

命視學楚北下車時賄閭閻之殷賑士女之都雅較

昔時殆倍蓰而詢其士習民風則今昔無少異因試

諸生訓之曰士君子讀書豈專爲科名計乎夫治獄

者不原本律令不能定一讞經史者學者之律令也

律意精深義無不蘊習者各以意融之而令則輕重

曲直判然俱列履迹求憲如衡之於輕重繩墨之於

曲直矣三極曩訓童龀熟焉而注疏異同各守師說

勉益齋偶存稿

序

窮年皓首或不能盡通其義自漢唐以迄有明載筆

之書往事得失人品邪正譬猶明鏡在懸顧自視何

如耳爲吏而不知律令爲士而不知經史欲吏事明

剖風俗淳茂是曲表而求直景也有是乎魯珊太守

與余鄉會試皆同榜其爲孝廉入詞垣時孳孳以經

史爲業洎改儀曹則諳習掌故判事有程先大夫

時官少宗伯輒稱道之其出守荊州武昌兩郡也英

聲藉藉登薦牘者再三頃以與余又同官斯土出勉

益齋存稿見示則其守兩郡所頒條教也準情理援

古訓曲論以憫其愚明王章舉成讞嚴法以儆其狡
文成數萬而大旨不外是是其本經史以禪躬明律
令以蒞事與余之所以訓士者同一轍也顧余孺不
常出一令而魯珊隨事立教風發泉湧汰其習見者
尚復哀然成集余以是滋媿因促其付梓以爲治民
者考鑑焉雖然魯珊官太守幾十載今年纔四十耳
異時晉監司膺節鉞閱歷愈深學識愈邃其措施當
更有進於是者余以交深而齒又少長敢請以爲勗
道光十二年秋七月年愚弟吳其濬頓首拜譔

五台縣馬子高

序

二

自序

聖人之法百世不易其次數十世而易或數世而易
其次數十年而易甚者數年而易謂其規模廣狹思
慮遠近固有識與學焉以限之也然而下學之士識
與學不越中人而皆未嘗不可以聖人爲法何也生
百世後凡所謂百世不易之法前聖人既創制之其
數十世而易數世而易之法後聖人又已變通之至
於位有卑尊權有輕重事有鉅細勢有常變則所謂
數十年而易數年而易者又自有因時因地之宜至

勉齋偶存稿

自序

一

於閱歷有淺深更事有難易或前時所見爲是者踰
時焉而覺爲非或於此地見爲是者易地焉而覺爲
非則其法且不可方物亦顧其用心何如耳夫聖人
之法通人情達物理而已入之情爲曲爲直爲信爲
詐其態萬狀而總之不能越於情物之理有正有奇
有顯有隱其態萬狀而總之不能越於理苟有實心
以求之未有見之不明處之不當者苟有恒心以持
之又未有見之不益明處之不益當者益之不已則
雖中人之質未嘗不可勉而爲聖人之徒予方束髮

受書時門祚稍衰自以資質魯鈍恐不得附於聖賢之徒卽無以負荷先人之緒中心惴惴常自勗勵既得成進士入詞林由部曹一麾出守又值荆楚劇郡所見所聞皆非所習尤恐覆餗貽前人羞是以每行一事每發一令未嘗不其難其慎覃精深思以出之始蒞荊州時自課驗覺與地方民物不相違忤幸不至自外聖賢然而不敢自喜也自荊州調首郡數載以來堅持此心不敢稍懈而往往自覺前日之非則魯鈍之質固未嘗不可磨礪雖所益甚微未爲無所

勉益齋偶存稿

自序

二

益也然天之道不日益必日損予深懼之爰取年來設施据所見以爲是者存之藉得時自加勉使終得附於聖賢之徒其所見不及姑以俟之期於心安焉而非敢以是爲足法也積久成帙因誌之

道光壬辰孟秋魯山裕謙書於武昌官署之勉益齋

勉益齋偶存稿卷一

目錄 荊州

禁指官賒欠示

諭各代書牌

表揚義舉檄

再諭各代書牌

禁四關人等指官賒欠示

勸伐蛟掘蝻示

伐蛟說

勉益齋偶存稿

卷一 目錄

掘蝻子說

戒訟說

倪石鼎呈批

諭快皂各役牌

嚴禁聚衆燒香示

矜恤罪囚稟

通飭不薦幕友等項檄

嚴禁賭博並造販賭具示

捐助會試舉人盤費詳

徐東揚等呈批

勸檢埋白骨示

關防詐僞示

向宏閭呈批

釐正學宮典禮檄

發戒訟說檄

向宏閭呈批

武廷拔呈批

禁屠宰耕牛示

勉益齋偶存稿

卷一 目錄

捐助會試舉人盤費示

捐助會試舉人盤費記

飭查禁西洋景檄

勉益齋偶存稿卷一

禁指官賒欠示

道光六年六月

本府恭膺

簡命典郡茲邦自矢冰清惟甘澹泊凡有署中日用米薪蔬菜以及應用什物俱係現發銀錢照依市價平買毫不苦累小民亦無短少賒欠誠恐署內隨從人等及買辦人役藉以官買名色虧短價值或指官賒取致有拖欠鋪帳情事亟應預爲防範合行出示曉諭爲此示仰府屬諸色鋪戶人等知悉嗣後本府衙門買備一切什物俱照依爾等貿易時價公平交易現錢發賣不得任意賒欠自受其累如果自願賒給將來索值無償混行來府控追者概不准理倘有強賒強買或以低銀小錢攪和行使者許該鋪戶即時赴轅稟明以憑查究各宜遵照毋負本府體恤商民之意

勉益齋偶存稿

卷一 荊州

諭各代書牌 道光六年七月

府屬各縣衛生監軍民人等每遇命盜重件暨戶婚田土細事來府呈控往往詞內列有多名其實僅止一二人到府甚至甫經遞呈卽行潛匿試問伊等既來告狀焉有不親身到郡又焉有不候批示旋即回歸之理其中顯有冒名捏控及包告扛訟情弊亟應嚴行稽察嗣後凡有來府遞呈之人該代書必先向歇家查詢明確果係本人告狀卽列本人名目如有多人聯名告狀亦必查明人俱來郡始准開列詞內

勉益齋偶存稿

卷一 荊州

二

若無其人不得混行開列本府每逢告期親自收呈按名傳詢倘詞內有名臨點不到卽惟該代書是問至收詞後批已榜示聽其自便若批未榜示或傳本人或傳抱告不到卽惟該歇家是問代書與歇家無不通同一氣均宜留心毋稍玩忽致干重懲

表揚義舉檄 道光六年八月

淳熙日盛之休觀民是務宅里風聲之樹旌淑宜先本府典守是邦職司表率教養同爲專責激揚竊有素心查該縣職員閻惇五曾於道光四年十月捐銀五千兩建設考棚實屬急公好義比千間之廣厦庇徧羣儒是閩邑之名場成資獨力不僅稱丹陽之盛舉洵堪爲荆郡之良模除已經詳明院憲照例題達蒙

勉益齋偶存稿

卷一 荊州

三

示獎勵合行札發札到該縣卽將發來前項匾額並花紅表裏刻卽用絲亭鼓樂舁送該職員閻惇五收領表揚已往正以鼓勵將來庶使閭屬士民相觀而善感發奮興於世道人心不無裨益該縣仍將遵辦緣由具文申覆毋違

再諭各代書牌 道光六年八月

定例凡有控告事件其呈詞責令自作不能自作者准其口訴令官代書據詞從直書寫如有增減情節者將代書之人照例治罪又婦人非有切已重情不准告舉他人之事因其罪得收贖恐有誣告害人情弊嗣後凡來府遞呈之人如執有詞稿者該代書問明代作詞人姓名或係本人自作分別填註詞面如係依口代寫卽註明代書作稿字樣遇有婦人來府遞呈當卽問明因何不聽伊夫出名具告緣由若係嫖婦亦須問明有無子嗣其子現年若干逐一於詞內聲敘明白方准投遞至有頂帶人員遇有呈控事件進士舉人則須問明科分生員武生則須問明入學年分貢監職員則須問明係何項貢監何項職員何年月日報捐執照是否帶來或現存何處俱於詞首詳細註明以杜捏冒頂替等弊均毋故違致干咎戾該代書務體本府勤求民隱懲刁安良之意斷不得因有此諭藉端刁難倘敢故意勒捐察出定卽究辦不貸

勉益齋偶存稿

卷一 荊州

四

本府恭膺

禁四關人等指官賒欠示 道光六年八月

簡命來守是邦自矢冰清惟甘淡泊凡有署中日用米薪蔬菜以及應需什物俱係現發銀錢照依市價平買毫不苦累小民亦無短少賒欠卽署中隨從人等亦不准藉以官買名色虧短價值或指官賒取拖欠不還早經嚴行禁約並出示曉諭郡城各鋪戶在案茲查府關所派稽查稅務人等時有更替誠恐假借官買名色或指官賒取致有拖欠鋪帳情事亦應亟爲防範合併出示曉諭爲此示仰草市沙市箔箕窪諸色鋪戶人等知悉嗣後本府北中東西各關買賣一切什物俱照依爾等貿易時價公平交易現錢發賣不得任意賒欠自受其累如果自願賒給或因索值無償混行來府控追概不准理倘有強買強賒許卽赴轅稟明以憑查究在關人等均當自愛各宜凜遵毋違

勉益齋偶存稿

卷一 荊州

五

勸伐蛟掘蟪示 道光六年九月

蛟水暴發蕩析田廬蝗蟪萌生殘傷禾稼二者爲害
皆巨亟宜設法剪除夏間本府蒞任荆南時值江陵
地方被富陽蛟水漫渰繼值石監二縣蟪子萌生雖
幸救濟迅速均未蔓延滋害但思弭災防患責在有
司而用力効勤仍須百姓况伐蛟原有舊章掘蟪亦
有成法既可施夫人力自當竭盡乃心是以摘要刊
刷廣布通行務使閭閻家喻戶曉不憚伐掘之勞永
免災傷之慮誠恐愚昧無知不肯實心奉行合再示

勉益齋偶存稿

卷一 荊州

六

諭爲此示仰府屬軍民保甲人等知悉務各共體此
意協力剪除大抵起蛟所在山谷居多近山居民冬
夏間可令善識者留心偵察若有所徵卽行如法掘
挖果能掘得一蛟隨送該管地方官驗明當時給銀
十兩充賞並不虛勞民力蟪子則無論田間崖畔皆
可發生如本人田地卽令本人搜挖無人管業之區
卽聽連界農佃搜挖總以挖淨爲度挖得若干亦送
地方官驗明每一斗給錢五百文多則照數加增此
項賞資本府捐廉由縣給發爾等藉此可以獲利免

勉益齋偶存稿

害保衛田禾何樂不爲切勿視爲尋常稍存懈怠是
所厚望

勉益齋偶存稿

卷一 荊州

七

七

伐蛟說 道光六年九月

古聖王於季夏有命漁師伐蛟之令季夏正蛟出之候先時伐之著在月令今歲當陽縣地方蛟水陡發冲潰江陵縣屬得勝台漫淹民田廬舍時正六月初旬是蛟之出在夏末秋初已屬可信蓋此物乃陰陽之偏氣所孕結其爲跡也怪斯其爲害也亦大凡司民牧者亟宜多方以求補救竊查雍正十二年署兩江總督魏公因江南地方微寧六霍等處蛟水爲患人畜田廬隨波蕩然博考伐蛟之法刊刻廣布如法免除齋偶存稿 卷一 荊州 八

剪除其患遂絕又嘉慶十二年兩湖總督汪公纂疏政輯要內載陳文恭公伐蛟說亦甚賅備原欲使天下人盡知出蛟之處有土色可辨有光氣可見有聲音可聽鎮之有具驅之有方必先時偵候臨事周防庶幾大害可除而民永蒙其福荊州素屬水鄉豈可復罹蛟患用是勸爾百姓留心偵察有掘得者本府捐給賞銀十兩以冀庶民共勦除害特將徵驗攻治之法刊列於左以便遵循

一徵驗之法蛟似蛇而四足細頸頸有白纓本龍屬

也其孕而成形率在陵谷間乃雉與蛇當春而交精淪於地聞雷聲則入地成卵漸次下達於泉積數十年氣候已足卵大如輪其地冬雪不存夏苗不生鳥雀不集土色亦有氣朝黃而暮黑星夜視之黑氣上冲於霄卵既成形聞雷聲自泉間漸起而上其地之色與氣亦漸顯而明蛟未起二三月前遠聞似秋蟬悶在人手中而鳴又如醉人聲此時能動不能飛可以掘得及漸起離地三尺餘聲響漸大不過數日便雷雨即出

勉益齋偶存稿 卷一 荊州

九

一攻治之法蛟之出多在夏末秋初善識者先於冬雪時視地圍圓不存雪又素無草木復於未起二三月春夏之間觀地之色與氣掘土三五尺餘其卵卽得大如二斛甕先以不潔之物或鐵與犬血鎮之多備利刃剖之其害遂絕 蛟畏金鼓及火山中久雨夜立高竿掛一燈籠可以避蛟夏月田間作金鼓聲以督農則蛟不起卽或起而作波但播鼓鳴鉦多發火光以拒之水勢必退

掘蟪子說 道光六年九月

凡事皆宜思患預防綢繆未雨不可忽於已往而悔於將來惟防蝗蟪之患尤爲急務荊州向係無蝗之地今歲監利石首二縣沿江洲地忽有蟪子萌生幸而撲除迅速得免傷害禾稼但此蟲最易滋息誠恐遺子在地來春復又發生與其撲捕於旣起莫若搜挖於未萌細考羣書所載掘蟪戒法摘錄於左使爾農民周知協力搜挖有掘得蟪子一斗者本府捐給賞錢五百文庶不致蝗蟪爲災有害田疇是守土者勉益齋偶存稿 卷一 荊州 十

之所深願也
一蟪有化生卵生二種化生者先見於大澤之涯及驟盈驟涸之區魚蝦散子草間在水常盈之處則仍化爲魚蝦惟向來有水之際倏而大涸春夏風日薰蒸乘濕熱之氣變而爲蟪故涸澤有蝗輩洲有蝗卵生者卽上年蝗之遺種蝗性喜燥惡濕必擇堅硬黑土高亢之處用尾錐入土中深不及寸仍留孔窠勢如蜂窩其內有子形如豆粒中止白汁漸次充實因而分顆一粒中有細子百餘來年滋生不已爲害

甚鉅故捕蝗不如捕蟪捕蟪不如滅種

一飛蝗一生九十九子先後二蛆一蛆在下一蛆在上引之入土春氣發動則轉頭向上先後二蛆一引一推擁之使出迨經出土二蛆皆斃性惟畏雪交冬得雪一寸蟪子卽深一尺積雪盈尺則蟪不萌生若是年冬無大雪則明年復起故爲害最烈

一蟪初生大如米豆不過三日卽大如蠅七日大如蟋蟀又七日卽長鞍起翅成蝗能飛飛卽交交卽孕子於地十八日復爲蟪蟪復爲蝗循環相生每年四月至八月能生發數次故必預爲挖絕不使少留遺種

一蝗性羣飛羣食下子必同時同地形如蜂巢或如線香洞惟冬晴地隙未經雨雪之時蟲孔易尋務須實力搜挖挖得形如纍黍貫串成穗者便是並於挖盡處仍逐一標記以便交春尋看春間看過無子初夏仍當再看一次以防遺漏

一飛蝗停落處所交春堅實地內見有鬆土浮泥堆起內有小穴者卽屬遺孽亟宜挖盡

一澤草葦根須盡行砍除以作柴薪如草不可用則縱火焚之既可糞田并使魚蝦遺子盡消以除蝻孽

戒訟說 道光六年九月

訟則終凶害多不測小而結怨耗財廢時失業大且傾家蕩產招禍亡身何不自愛之甚也每思鄉里愚民生平不見官長出作人息何等安閒至一入公門便難自主歌家保戶詐僞多端累月經年資斧莫繼兼之書吏把持差役勒索迫得質訛已費多少花銷有理者恃氣陵人也要向公堂屈膝無理者將曲作直更不堪清夜捫心卽贏得官司結下子孫讎怨竊招來刑辱徒增顏面羞慚甚至坐獄沉牢囚繫斃命

他益齋偶存稿 卷一 荊州 三

披枷帶鎖桎梏戕生無一不緣爭訟來也更有一種唆訟之徒以簸弄是非爲得計以顛倒黑白而迷人每當兩造紛爭從中構禍及兩造醒悟之後猶復肆行挑唆不肯聽其速結何則訟師之豁壑未滿則訟事之枝節疊生訟息而刁猾者無所逞其譁張訟久而淳厚者亦將變爲澆薄人心風俗之患可勝言哉本府爲爾民好訟者計與其伺候公庭受隸卒之呵斥何若優游井里樂婦子之團圓平得一分心便積得滿家福忍得一分氣便省得幾多財特將戒訟十

條錄示於後爾民其慎思之毋負諄諄告誡之意

一曰壞心地大抵好訟者不論理之曲直徒欲以氣壓人以智勝人不勝則忿心愈熾投訟師造機關顛倒是非以求必勝甚或挾嫌圖詐牽砌多人以致無辜拖累此訟之足以壞心地

二曰耗貨財事無論大小一經官府茶坊酒肆離他不得親友顧問慢他不得胥役皂隸少他不得以數年之積蓄不敷一案之花銷官司未完家貲已破此訟之足以耗貨財

勉益齋偶存稿

卷一 荊州

五

三曰誤正事士農工商各有正務苟涉於訟身不自由拋家失業卽有不容已之事亦因以停擱此訟之足以誤正事

四曰傷天倫父子兄弟夫妻天親至愛或意見不合而相責備或錢財費多而相怨尤或事涉牽纏而株連坐累此訟之足以傷天倫

若骨肉爭訟倫理乖違傷天地之和虧敦睦之誼其家道未有不日見消亡者其子孫未有不日見零落者尤宜善處

五曰致疾病思慮傷心忿怒傷肝飢渴傷脾憂鬱傷肺驚恐傷腎走傷血立傷骨多言傷氣以至朝行露

宿冒暑衝寒種種受傷一時叢集此訟之足以致疾病

六曰結怨毒諺云冤家宜解不宜結不訟則冤怨猶或可解訟則親情友誼頃刻頓忘彼此報復無有窮已此訟之足以結怨毒

七曰生事變公門出入之人大都好生事端幸我有事可以漁利或暗中搬唆或乘機挑撥往往事中生事此訟之足以生事變

八曰損品望人無品望者更歷訟事彌增狡猾所不待言卽平時方言矩行一至許訟以非爲是以曲爲

勉益齋偶存稿

卷一 荊州

五

直投吏胥覓證佐所不屑與言者與之言所不屑與交者與之交此訟之足以損品望

生監爲四民之首尤宜立品讀書勉

圖上進若涉訟事卽屬不守以碑例應斥革懲治務各自愛

九曰召侮辱官府廉明自無枉斷而終訟必凶嘗見好訟人受呵叱受箠杖受罰贖甚而受胥皂之輩惡言相加意氣陵逼至極不堪試設身處其地則知氣死不要告狀真名言也此訟之足以召侮辱

訟雖理直勝負亦難預定與其終訟而召辱何如息訟以全身如有親友調和各宜及早猛醒

十曰失家教善教家者曰仁曰義曰禮曰智曰信人
既好訟則居心刻薄非仁也事理失宜非義也挾怨
忿爭非禮也傾貲破產非智也欺詐百出非信也家
人婦子之見聞無非惡習而欲其內外和順不至悖
常而亂德決無是事此訟之足以失家教

至婦女出頭最爲惡

俗大千例禁有玷家聲里黨相嘲宗族不齒上辱祖父下累子孫更宜切戒

力益齋馬子高

卷一 荊州

七

倪石鼎呈批 道光六年十月

書曰以親九族九族既睦禮曰尊祖故敬宗敬宗故收族誠以子姓雖衆皆出祖宗一人之身必應相愛相親無分爾我方無虧敦睦之誼况爾與元鼎等均係同胞弟兄乃竟罔顧大義輒因田產細故構訟多年繼而庶母伯姪互相爭控不孝不弟倫理乖違實屬有玷學校本應卽行究懲因欲全爾骨肉是以堂訊之時諄諄訓飭動以至性至情以期感化乃爾等竟不稍知愧悔尤復以息悔之真假曉曉呈辯似此倔強乖謬恃符狡展非斥革究辦不足以絕訟端而維風化候提該生與倪祖信等訊取捐貢入學各年分分別詳褫再行嚴究懲辦至唆訟之人最爲人心風俗之害前經本府訪有石首縣監生鄔龍光向來包攬詞訟現已密飭各縣並委員訪察嚴拏在案據呈此案係鄔重光從中主唆是否卽鄔龍光抑係鄔龍光弟兄有無唆訟詞稿憑證著卽明白另呈以便提同王任大併究

力益齋偶存稿

卷一 荊州

十七

諭快皂各役牌

道光六年十月

本府衙門常有提審控案及各縣招解案犯每值堂訊之期必須預先提集到轅迨至質對虛實不免稍有守候如春秋天氣和暖尚無妨礙若時交冬夏則寒暑易侵自宜隨時矜憫以昭體恤嗣後凡遇本府提審控案及各縣招解案犯一經懸牌示審該原差等至期帶齊來轅無論控案之原被證佐招解之輕重罪犯均須善爲領帶夏間則帶至背陰所在免其暑熱薰蒸冬間則帶至向陽所在免其嚴寒侵逼若勉益齋偶存稿

卷一 荊州

七

值雨雪之時卽帶至廊下使有遮庇務要時加矜恤以副本府愛民如子之意切勿稍存膜視不加顧惜更不得有心陵虐致干究懲諺云公門中好修行爾等其各勉之

嚴禁聚眾燒香示

道光六年十月

恭照嘉慶十九年奉

上諭思民聚眾燒香等事地方官原應隨時飭禁無如各省官吏怠玩成習不加禁止以致民間視為故常亟應嚴申禁令著通諭京城及各省地方官嚴行出示曉諭以四民各有本業內修倫紀外奉王章卽爲致福之本若結會燒香聚眾迎神例有明禁自此示諭之後如有擊鼓鳴鑼揚幡賽會者該地方官卽將爲首之人嚴拿懲辦以端風俗而正人心等因欽

勉益齋偶存稿

卷一 荊州

五

此欽遵久經飭禁在案茲本府訪聞江陵縣之太暉觀石首縣之東嶽山松滋縣之七里廟每於冬春之候多有朝謁之人其餘各縣庵觀寺院自亦在所不免查聚眾燒香迎神賽會不特大干例禁抑且每釀事端而鄉愚無知相沿成習總由游手好閑之輩假以災祥禍福之事售其誕幻無稽之談誘取資財以圖肥己因而游僧匪道乘隙招邀甚至邪惡奸回潛踪竄伏斂錢惑眾妄作非爲一經發覺到官不特身陷囹圄抑且累及妻子是香愿已成孽媒禍緣轉爲

禍本爾民罔知利害本府深爲憫憐已往姑寬亟應
猛省合行示禁爲此示仰府屬軍民人等知悉爾等
務各忠厚存心公平處世孝親敬長信友尊師和睦
鄉鄰周恤宗族隨緣積善利物濟人量力捐貲造橋
補路勿損人利已勿口是心非勿飾智欺愚勿倚強
陵弱廣行方便不佔便宜則作善降祥子孫自然昌
盛修德獲報家業亦必豐盈卽秋報春祈儘可在
家酬願何必朝山謁廟出境燒香甘犯刑章自羅法網
經此示諭之後倘有仍充香頭糾集男婦鳴鑼擊鼓
鉦益齋偶存稿

卷一 荊州

三

喊佛執旗出境朝謁者定卽嚴拏究辦婦女有犯罪
坐夫男該僧道等亦宜謹守清規恪遵戒律如敢出
外招邀香客聚衆網利一經查出立予從重治罪並
將失察之僧綱道紀一併斥革均不稍假寬貸其各
凜遵毋貽後悔

矜恤罪囚稟

道光六年十一月

案奉憲臺札飭據武昌府王守稟稱省城司府縣三
監繫禁罪囚幾至二百餘名皆係赤貧每當冬令多
有患寒致斃前蒙各大憲籌款捐給棉衣袴日間尚
可禦寒惟夜無棉被寒氣易侵現與鹽道捐銀製備
棉被散給三監人犯又江夏縣管押人犯衆多日食
維艱應請冬臘正三月每月由府捐廉買米二十石
給發江夏縣另委妥員經理飭令各屬一體仿照辦
理等因仰見大人於省刑恤囚之中寓錫福推仁之

功在齊昌字高

卷一 荊州

三